

续宏简录

續宋簡章

續弘簡錄元史類編卷三十五

皇清詹事府少詹事仁和邵遠平戒山學

文翰一

楊奐 楊果 牟應龍 鄭滁孫 危復之附何 陸文圭

附梁 姚燧 趙孟頫 陳孚附馮 韓性 鄧文原

戴表元 李之紹 貫雲石 海涯 楊載附楊 元明善

虞集弟槃 范梈 揭傒斯 周仁榮附孟 宇文公諒

李洞 曹鑑 黃潛 柳貫 吳萊 歐陽玄 陳旅附程

文 陳劉詵附龍仁夫 李孝光 孫轍附吳 杜本 張樞

繇天爵 貢師泰 周伯琦 張翥 朱震亨 李杲

楊奐字煥然乾州奉天人生之夕母夢東南日光射其身夢一

神人授之以筆其父謂文明之象因名曰奐金末舉進士不中

歸而設教鄉里

元好問墓碑云年十一丁內艱日蔬食誦孝經為課人以天至稱又五年師鄉先生吳榮叔未

幾賦業成即有聲場屋與定辛巳下第同舍生勸試補臺掾與

答書下之憂乎一統志云元初隱居

始泉下之憂乎

鄂縣講道授徒學者稱為紫陽先生

金汴京降與微服北渡

寇氏帥趙壽之延致待以師禮門人有自京師載書來者因得

聚讀東平嚴實聞與名數問其行藏與終不一詣太宗詔宣德

稅課使劉用之試諸道進士與試東平兩中賦論第一從監試

官北上以中書令耶律楚材薦授河南路徵收課稅所長官兼

廉訪使

與自著還山集云歲已酉中書耶律公以軍國大計舉近世轉運司例經理十路課稅易司為所黜使稱長相

豐歉察息耗以平歲入聽中書省總之開創伊始制度未遑天

下郡縣猶以財賦自贍不重其權則無以剋其弊故吏汚濫得

廉糾刑賦外錯得釐正將行言於楚材曰僕不敏誤蒙不次之

用以書生理財賦已非所長况河南兵荒後遺民無幾烹鮮之

喻正在今日急而擾之糜爛必矣願假以歲月使得撫摩瘡痍

爲朝廷愛養其本楚材甚善之既至一以簡易爲政按行憲
親問監務月課幾何有以增額進者遽責之曰剝下欺上汝
我爲之邪卽減元額四之一公私稱便在官十年乃請老于
之行臺世祖在潛邸驛召與叅議京兆宣撫司事碑云累上書
乃得請歸居
鄉郡築室曰歸
來爲佚老之所年七十疾篤處置後事如平時引觴大笑而卒
碑云敕家人吾且死勿賜諡文憲與博覽強記作文務去陳言
以二氏齋醮貽識者笑賜諡文憲與博覽強記作文務去陳言
以蹈襲古人爲耻朝廷諸老皆折行輩與交關中號多士名未
有出與右者所著有還山集六十卷大典近鑑三卷正統書六
十卷行世

楊果字正卿祁州蒲陰人宋末徙許昌以章句授徒爲業流寓
轍軻十餘載登金正大中進士叅政李蹊行大司農于許昌果
以詩送之蹊大稱賞歸言於朝用爲偃師令俄調蒲城及陝皆

劇縣所到以廉幹稱金亡果閒廢久會楊奐徵河南課稅辟爲經歷未幾史天澤經畧河南復用爲叅議時兵革之餘法度革創果隨宜贊畫民賴以安世祖中統元年命爲北京宣撫使明年拜叅知政事與左丞相姚樞等日赴省議事尋出爲懷孟路總管以老致政卒于家年七十五諡文獻果性明敏美丰姿工文章尤長於樂府善諧謔聞者絕倒有西庵集行世

牟應龍字伯成其先蜀人後徙吳興祖子才仕宋爲國學博士

諡清忠

虞集墓碑云子才以言事忤時宰鄭清之去國抵吳興寓第而應龍生子才喜字曰翁歸

父嚙爲大

理少卿

應龍作王應麟小學紺珠序自云大父第故宋嘉定癸丑進士父數典銓曹

應龍幼警敏爲

文有渾厚氣當以任子補京職盡讓諸從弟而自業舉子成咸

淳初進士時賈似道當國欲邀一見處以高第應龍拒不往及

廷對極言上下情隔國勢危急狀考官不取寘上第除光州定

城尉應龍曰昔吾祖對策以直言忤史彌遠得洪雅尉今固當
爾無媿也沿海制置司辟爲屬以疾辭宋亡故相留夢炎位冢
宰以書招之曰苟至翰林可得也亦不答已而起家教授溧陽
州晚以上元縣主簿致仕初宋亡時獻已退不仕一門父子自
爲師友討論經學於諸經皆有成說惟五經音攷盛行於世應
龍爲文長於敘事時求其文者車轍滿門人擬之眉山父子學
者稱曰隆山先生

鄭滌孫字景歐處州人宋景定間進士爲禮部郎官至元三十
年有以滌孫名薦者世祖名見授集賢直學士尋遷侍講學士
卽致仕歸弟陶孫字景潛亦宋進士監西嶽祠先滌孫徵至闕
奏對稱旨授國史院編修官纂修宋史至德祐末年事陶孫曰
臣嘗仕宋宋是年亡義不忍書世祖嘉之轉應奉翰林文字兄

弟在當時最號博洽學士大夫翕然推重隆福宮以其兄弟皆
前朝上特製衣親賜之人以爲異遇滁孫所著有大易法象通
贊周易記玩等書陶孫有文集若干卷

危復之字見心江西撫州人宋末爲太學生師事湯漢博覽羣
書好讀易尤工於詩世祖至元初元帥郭昂屢薦爲本路儒學
官不就後朝廷累遣奉御察罕及翰林應奉詹玉以幣徵之皆
弗起終隱紫霞山中學者私謚貞白先生同郡何中字太虛
一統志云宋末舉進士少穎拔以古學自任家有藏書萬卷手自校讎日

與門弟子講經義其學弘深該博江西行省全岳柱聘爲宗瀛
書院山長所著有易類象書傳補遺通鑑綱目測海及知非堂

稿支願錄諸書

何中自序彙前有通書問叶
顏補疑六書綱領各一卷

上文圭字子

江陰人幼穎悟博通經史百家宋咸淳初以春

中鄉選年滿十八宋

隱居城東學者稱曰墻東先生延祐

設科有司強之就試凡

再中鄉舉爲文融串經傳縱橫變化

莫測其涯際東南學者宗

之朝廷數遣使馳聘以老疾不行卒

年八十五性高邁以奇氣自負於地理考覈尤詳凡天下郡縣

沿革人物土產悉能默記如指掌先屬續一呂語門人曰以數

考之吾州二十年後必被兵吾死當塋不食之地勿封勿樹使

人不知吾墓所在庶無暴骨患其後江陰亂冢盡發人服其先

知著墻東類稿二十卷

同里梁益字友直博洽經史工文辭

其教人以變化氣質爲先學徒不遠千里從之自文圭旣卒浙

西稱學術醇正者惟益而已所著有三山稿詩緒餘史傳姓氏

纂又有詩傳旁通等書深得朱子之學

姚燧字端甫平州柳城人左丞樞之從子也生三歲而孤樞育

之方隱居蘓門山謂燧蒙闇敎督之過急燧不能堪楊奐止之
曰燧令器也長自有成何急爲且許醮以女年十三見許衡於
蘓門十八始受學時未嘗爲文視流輩所作惟見其不如古人
心弗是也二十四始讀韓退之文試習之人謂有作者氣世祖
至元七年衡爲祭酒奏召舊弟子燧自太原驛致館下初爲秦
王府文學未幾兼提舉陝西學校以秦王命安輯庸蜀凡三使
蜀皆稱職再遷翰林直學士改大司農丞成宗元貞初總裁世
祖實錄書成授江東道廉訪使理學宗傳作江
西行省叅政移病寓太平仁
宗居藩邸開宮師府燧年已七十遣正字呂洙如漢徵四皓故
事起爲太子賓客尋拜太子少傅辭曰昔臣伯父樞嘗除是官
尙不敢拜臣何敢受改翰林學士承旨逾年得告南歸卒年七
十六諡曰文初燧居蘓門時讀通鑑綱目嘗病國統散於逐

不能一覽得離合之槩及告病江東著國統離合末年經國緯

如史記諸表將附朱熹凡例後復取徽建二本校讐得三誤焉

序於表首爲文閱肆該洽豪而不宕剛而不厲春容盛大西

漢風當時有欲闡揚先德者必求燧文多以不得爲媿每來謁

文必其行業可嘉然後許辭無溢美又稍廣置燕樂則爲之喜

而援筆疾書否則弗易得也

書史會要云燧以文章名海內書宗頗素

高麗瀋陽王

父子連姻帝室傾貲結朝臣一日欲求燧詩文靳不與至奉旨

乃與之王致謝幣帛金玉五十筐燧卽分散諸官屬及史胥侍

從以金銀付翰林院爲公用器或問之燧曰彼藩邦小國唯以

貨利爲重吾能輕之使知大朝不以是爲意燧頗恃才輕睨趙

孟頫元明善輩所著有牧庵文集五十卷

輟耕錄云燧在中臺時忽御史大夫謂曰

天子以汝賢故擢居耳目之官今且歲餘興利除害事未有片言相及惟以舉薦爲務何耶燧曰某所薦百有餘人皆經世才

其在中外並能上裨聖治則某之報效亦勤矣何屑屑與利除
害為按本傳不言燧為中臺御史亦不詳薦舉事又云燧為
翰林學士承旨日玉堂設宴歌妓羅列中有一人秀麗閒雅微
操閩音燧問其履歷初不以實對叩之再泣曰妾乃建寧人氏
父官朔方祿薄不足以給侵貸公帑無償遂流落至此燧命之
坐遣使詣丞相三寶奴請為落籍丞相素敬燧意燧欲之即令
教坊除籍燧得報語一小史曰我以此女為
汝妻女即以為我為父史忻然京師傳為盛事

曰華文覈實諛墓寧譏名聞外裔不為利移才行兼美
實為世師方之謝氏遇末同歸

趙孟頫字子昂

書史會要云號松雪道人

宋秦王德芳之後五世祖秀王子

稱實生孝宗賜第湖州故孟頫為湖州人幼聰敏為文操筆立

就

名賢錄云成進士為潤州錄事參軍元詩選云年十四以父蔭補官

宋亡絕意仕進益自力學

至元二十四年侍御史程鉅夫奉詔搜訪遺逸以孟頫入見神

采煥發世祖顧之喜命坐右丞葉李上或言宋宗室子不宜使

近左右帝不聽時方立尙書省命孟頫草詔帝覽之喜曰得朕

心所欲言矣會更造至元寶鈔帝令與議刑曹欲計贓罪滿至元鈔二百貫者死孟頫曰始造中統鈔時以銀爲本虛實相權及今二十餘年輕重相去不啻數十倍故改中統爲至元若謂至元鈔終無虛時寧有是理計鈔抵法疑太重古者以米絹民生所須謂之二實銀錢與二物相權謂之二虛四者爲直雖升降有時終不大相懸也以絹計贓爲適中或以孟頫年少且初自南來輒妄議國法意頗不平孟頫曰法者人命所繫議有重輕則人不得其死矣孟頫奉詔與議不敢不言也是年六月授兵部郎中時至元鈔法果滯澁不行遣尙書劉宣與孟頫馳驛至江南問行省丞相慢令罪詔凡左右司及諸路官則徑加管責孟頫受命往比還不管一大忤丞相桑哥意有王虎臣者訴平江路總管趙全不法卽命虎臣往按其事葉李執奏不聽

孟頫進曰前虎臣守郡時多強買人田全數與爭今往必將陷

之縱得實人亦不能無疑帝悟乃遣他使桑哥當鐘初鳴時卽

坐省中六曹官後至者笞之不少貸一日孟頫後至斷事官遽

引受笞孟頫入訴於都堂右丞葉李曰古者刑不上大夫所以

養其廉耻教之節義且辱士大夫是辱朝廷也桑哥亟慰之使

出

續資治云孟頫行東鄉墻外道險馬跌墜于河
帝聞之賜鈔五十錠命移築御墻稍西二丈許

二十七年遷

集賢直學士八月地震武平路尤甚地陷黑沙水涌出時帝駐

蹕龍虎臺遣平章阿魯渾薩理馳還召集賢翰林兩院官詢致

灾之由議者但泛引五行灾異言以修人事應天變爲對莫敢

語及時政先是桑哥遣其黨理算天下錢穀已徵者數百萬未

徵者尙數千萬民不聊生自殺者相屬孟頫素與阿魯渾薩理

善勸人奏於帝請下詔蠲除庶天變可挽帝從之詔已具桑哥

慙曰此必非帝意孟頫曰凡錢糧未徵者其人死亡已盡復何
所從取不及時除免他日言事者倘以失陷錢糧數千萬歸咎
尙書省豈不爲丞相累邪桑哥悅遂下詔民始獲蘇帝嘗問葉
李留夢炎優劣對曰夢炎臣父執素重厚篤於自信好謀而能
斷有大臣器葉李所讀之書臣皆讀之其所知所能臣皆知之
能之帝曰汝以夢炎賢於李邪夢炎在宋爲狀元位丞相當賈
似道誤國罔上夢炎依阿取容李布衣乃伏闕上書力詆似道
其賢於夢炎甚遠汝以夢炎爲父友不敢直斥其非可作詩以
譏之孟頫賦詩有往事已非那可說且將忠直報皇元之語帝
益嘆賞孟頫退謂奉御微里曰上論賈似道誤國責留夢炎不
言今桑哥罪甚於似道而我輩不言他日何以辭其責侍臣中
慷慨有大節又爲上所親信無踰公者夫捐一旦之命爲萬姓

除殘仁者事也公其勉之既而徹里果於帝前首發桑哥罪惡

會大臣亦有繼言者帝遂按誅桑哥

歐陽玄神道碑云後徹里語及斯事嘆曰使我有葛

世名者子昂之力也

孟頫自念久在上側必爲人所忌力請補外出同知

濟南路總管府事及修世祖實錄名還命書金字藏經既成除

集賢直學士仁宗在東宮知其名此卽位名爲集賢侍講學士

河間志云皇慶元年九月河間進嘉禾異畝同穎有一穗數莖者命孟頫繪圖藏諸秘府

延祐三年拜翰林

學士承旨帝嘗與侍臣論文學之士以孟頫比唐李白宋蘓軾

焉又嘗稱其狀貌跌麗操履純正博學多聞文詞高古書畫絕

倫旁通佛老之旨皆人所不及有問之者言國史不宜使孟頫

典其事帝曰趙子昂世祖所簡拔朕特優以禮貌置之館閣令

典司述作俾可傳後世此屬嗷嗷何也俄賜鈔五百錠謂侍臣

口中書每稱國用不足必持不與其以普慶寺別貯鈔給之孟

頴嘗累月不至宮中帝以問左右皆謂其年老畏寒勅御府賜
貂裘一襲初孟頴以程鉅夫薦起家爲郢及鉅夫以翰林學士
致仕去孟頴代之先往拜其門而後入院尋得請南歸至治元
年英宗遣使卽其家令書孝經明年六月卒追封魏國公諡文
敏所著松雪齋集詩文清邃奇逸篆籀分隸真行草書無不冠
絕今古有天竺僧數萬里來求其書歸國中寶之其畫山水木
石花竹人馬尤精入神品史官楊載稱孟頴才頗爲書畫所掩
知其書畫者不知其文章知其文章者不知其經濟人以爲知
言輟耕錄云孟頴書法人但知自魏晉中來晚年則稍入李北海耳嘗見千字文一卷以爲唐人字絕無一點一畫似孟頴
法度闊至後方知爲孟頴書其自題云僕廿年來寫千文以百
數此卷殆數年前所書當時學褚河南孟法師碑故結字規模
八分今日視之不知孰爲勝也用君良卿于市中買得此卷持
來求跋爲書其後因思自五歲入小學學書不過如世人漫學
之耳不意時人持去可以鬻錢而良卿又捐錢以購之皆可笑
也又聞孟頴偶得米海岳書壯懷賦中闕數行因取刻本摹揭
賣北窗集